

A growing advertising agency and printing company has openings for the following positions beginning February 15, 1991:

Advertising Account Manager

Requirements: bachelor's degree in communications or related field, minimum 4 years experience in print journalism, competent knowledge of Adobe, Microsoft and Aldus software.

Printing Plant Manager

Requirements: Minimum 7 years experience offset printer with knowledge of machine maintenance and crew organization.

Apply in writing, stating experience and salary requirements, to P.O. Box 1298

Presidente di Staten a ricibi nan Proyecto di ley encuanto violacion di privacidad di ciudadanonan

Tambe encuanto Loteria

ORANJESTAD (AAN): E siman aki Ministro di Justicia a entrega dos proyecto di ley na Presidente di Parlamento di Aruba den presencia di Lic. Jossy Semeleer, kende ta Grif-fier di Parlamento.

Ta trata aki di introduccion di un proyecto di ley den cual tin reglamenta cual instancianan y bao di cual circunstancia y condicionnan por viola e privacidad di ciudadanonan.

Ministro di Justicia a expresa cu ta bao di cierto circunstancianan so instancianan guber-

namental por viola e privacidad di ciudadanonan, sin descarta naturalmente e hecho cu esaki ta bira posible unicamente bao di condicionnan restringi.

Den e proyecto di ley ta visualiza un cambio den codigo penal, den cual ta haci castigable tur hecho di viola privacidad pa loke ta concerni informenan pasa pa telefon, facsimile (fax), telex, y computer.

Ademas cu tur otro persona cu scucha yamadanan telefonico of kita informenan

for di individuonan den comunidad, kendenan ta intercambia cu otro sea atravez di telefon, telex of fax tambe ta bira castigable.

Ministro di Justicia a expresa cu no a visualiza ainda un cambio den e procedimiento di e codigo penal, pa motibo cu esey mester bin den un fase uniforme cu Antiyas.

E mandatario encarga cu e cartera di Justicia ta di opinion cu e proyecto di ley aki ta un bon garantia pa fortalece derechonan di ciudadanonan y e ta reglamenta tambe e poder cu Gobierno mes tin.

E di segundo proyecto di ley entrega ta trata cambio den "Loterijverordering".

Gobierno realmente a sinti cu a bira necesario pa a corto plaso fortalece e Fundacion Lotto pa Deporte.

Saliendo for di e punto di bista cu aworaki e Fundacion ta financia varios proyecto na bienestar di deporte na Aruba, e deseo di Gobierno ta pa e fundacion crece den forza financiero door di cual e por sostene actividadnan deportivo riba mas nivel y den tur distrito.

Cu introduccion di e "Scratch Lottery/Instant Lottery" e Fundacion Lotto pa Deporte lo obtene e oportunidad pa introduci mas premio y engrandece su mes financieramente.

Ministro di Justicia a entrega ambos proyecto di ley na Presidente di Parlamento di Aruba, Felix Flanegin cu e deseo pa riba termino corto Gobierno y e miembronan di Parlamento por yega na un intercambio fructifero di opinion riba e proyectonan di ley entrega.

Reina Juvenil Paradera

NERISSA LACLE



NO.
6

NO.
6

*Awe nochi na RCA
Mi ta conta ariba bo apoyo
Danki*

Roland Lacle ta duna su relato anual

ORANJESTAD (AAN): Segun DIARIO por a compronde, awemercia e Ministro Plenipotenciario di Aruba na Hulanda, esta ing. Roland Lacle lo duna un conferencia di prensa pa asina duna splicacion di e Relato Anual di Aruba Huis.

Aruba Huis ta e entidad na Hulanda cu ta regla tur asunto y problema cu Arubianonan tin na Hulanda of den otro parti di Europa.

Ademas di esey, e lo duna tambe e resultado di e encuestata haci na Hulanda.

Den edicion di mañan DIARIO lo bini en extenso cu e relatonan aki.